



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2015. GODINU SNAGE EKONOMSKOG POKRETA U BOSNI I HERCEGOVINI

Broj: 03-07-6-226/16
Sarajevo, 06.07.2017. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Snage ekonomskog pokreta u Bosni i Hercegovini za 2015. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2015. godinu, utvrđeno je da je Snaga ekonomskog pokreta u Bosni i Hercegovini prekršila odredbe člana 5. stav (4), člana 11. i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Snage ekonomskog pokreta u Bosni i Hercegovini za 2015. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Snaga ekonomskog pokreta u Bosni i Hercegovini se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	976,00	100,00
8.	Prihodi od propagande (3-g)	0,00	0,00
9.	Ostali prihodi	0,00	0,00
I	Ukupni prihodi (1-9)	976,00	100,00
II	Kreditno zaduženje kod banaka	0,00	0,00
	Izvori finansiranja (I+II)	976,00	100,00

U godišnjem finansijskom izvještaju stranka je iskazala ukupne rashode u iznosu od 392,10 KM.

2. PREDSTAVLJANJE POLITIČKE STRANKE

Naziv političke stranke: Snaga ekonomskog pokreta u Bosni i Hercegovini. Skraćeni naziv je SEP u BiH.

Politička stranka, pod nazivom Novi ekonomski pokret u BiH je registrovana 09.03.2010. godine u Općinskom sudu Tuzla i u sudski registar upisana pod brojem: 032-0-Reg-10-000231.

Rješenjem Općinskog suda u Sarajevu, broj: 065-0-F1-11-000009 od 26.04.2012. godine, promijenjen je naziv političke stranke, sjedište stranke i imenovano je novo lice za njeno zastupanje i predstavljanje. Stranka je upisana pod novim nazivom, Snaga ekonomskog pokreta u Bosni i Hercegovini, sa sjedištem u Sarajevu, ulica Čekaluša broj 1.

Lice ovlašteno za zastupanje i predstavljanje političke stranke je Fadil Čerimagić.

Lice ovlašteno za podnošenje finansijskih izvještaja za 2015. godinu je Fadil Čerimagić.

U godišnjem finansijskom izvještaju za 2015. godinu, Snaga ekonomskog pokreta u Bosni i Hercegovini je navela da ima niže nivoe organizovanja, i to organizacioni dio u Gradačcu.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Snage ekonomskog pokreta u Bosni i Hercegovini za 2015. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Snage ekonomskog pokreta u Bosni i Hercegovini obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

U periodu od 2010. do 2014. godine, obavljen je pregled godišnjih finansijskih izvještaja Novog ekonomskog pokreta u BiH, odnosno Snage ekonomskog pokreta u BiH, nakon čega su izdati izvještaji o pregledu sa mišljenjem revizora, nalazima i preporukama revizije.

Nakon obavljenog pregleda finansijskog izvještaja za 2014. godinu, Služba za reviziju je izdala izvještaj o pregledu sa mišljenjem, nalazima i preporukama političkoj stranci da uspostavi evidencije o svim priložima, bez obzira na koji način ih ostvaruje, da vodi poslovne knjige u skladu sa računovodstvenim propisima i da uspostavi potpune i tačne evidencije o svojim prihodima i rashodima, te da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2015. godinu, utvrđeno je da Snaga ekonomskog pokreta u BiH nije ispoštovala date preporuke.

5. NALAZI I PREPORUKE

5.1 NALAZI

a) Snaga ekonomskog pokreta u Bosni i Hercegovini prekršila je odredbu člana 5. stav (4) Zakona o finansiranju političkih stranaka.

Snaga ekonomskog pokreta u BiH nije u poslovnim knjigama evidentirala nenovčanu donaciju po osnovu besplatnog korištenja poslovnog prostora, čime je prekršila odredbu člana 5. stav (4) Zakona o finansiranju političkih stranaka¹.

Na osnovu Ugovora o iznajmljivanju poslovnih prostorija, broj: 29-B/11 od 20.09.2011. godine, stranka bez naknade koristi poslovni prostor, površine 22 m², pravnog lica VISA BROKER OSIGURANJE d.o.o. Sarajevo, u ulici Čekaluša broj 1.

Politička stranka je korištenjem poslovnog prostora u vlasništvu pravnog lica bez plaćanja zakupnine ostvarila nenovčanu donaciju, koju je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imala obavezu da evidentira u poslovnim knjigama i prijavi u godišnjem finansijskom izvještaju za 2015. godinu.

¹ U skladu sa odredbom iz člana 5. stav (4) Zakona o finansiranju političkih stranaka, političke stranke dužne su voditi evidenciju o prijemu dobrovoljnih priloga.

b) Politička stranka nije postupila u skladu sa odredbama člana 11. i člana 12. stav (1) i stav (3) Zakona o finansiranju političkih stranaka².

Pregledom godišnjeg finansijskog izvještaja, dodatne finansijske dokumentacije i revizijskih dokaza pribavljenih iz eksternih izvora, utvrđeno je da stranka nije vodila poslovne knjige u skladu sa računovodstvenim propisima, nije uspostavila potpune evidencije o svojim prihodima, rashodima i obavezama i godišnji finansijski izvještaj nije podnijela na način kako je propisala Centralna izborna komisija Bosne i Hercegovine, čime je prekršila odredbe člana 11. i člana 12. stav (1) i stav (3) Zakona o finansiranju političkih stranaka.

- (1) Stranka nije u poslovnim knjigama i finansijskom izvještaju iskazala prihod iz budžeta Općine Gradačac, čime je prekršila odredbe čl. 13. i 19. Pravilnika o godišnjim finansijskim izvještajima političkih stranaka - u daljnjem tekstu: Pravilnik.

Uvidom u akt Općine Gradačac, broj: 07/1-14-535-1/17 od 27.03.2017. godine, koji je dostavljen na zahtjev Centralne izborne komisije BiH, utvrđeno je da su ovoj političkoj stranci isplaćena sredstva iz budžeta ove općine u iznosu od 2.457,00 KM i to na transakcioni račun broj: 1321902012122567. Stranka u svojim poslovnim knjigama nije evidentirala i u finansijskom izvještaju iskazala prihode iz budžeta Općine Gradačac, čime je i ukupne prihode iskazala u manjem iznosu za 2.457,00 KM.

U finansijskom izvještaju na obrascu 2 (pregled prometa svih transakcijskih računa političke stranke), stranka nije iskazala transakcijski račun broj: 1321902012122567, na koji je primila sredstva budžeta Općine Gradačac, čime je prekršila odredbe člana 11. Pravilnika.

- (2) Snaga ekonomskog pokreta u Bosni i Hercegovini nije u poslovnim knjigama i finansijskom izvještaju iskazala nenovčanu donaciju koju je ostvarila korištenjem poslovnog prostora bez naknade, čime je prekršila odredbe čl. 13. i 18. Pravilnika.

Stranka na obrascu 4.1. (režijsko-administrativni i ostali troškovi) nije iskazala troškove zakupa poslovnog prostora koji koristi po osnovu ugovora o iznajmljivanju, pa su tako i ukupni rashodi stranke iskazani u manjem iznosu od ostvarenih.

- (3) Pregledom godišnjeg finansijskog izvještaja utvrđeno je da stranka nije u obrazac 1-1 (Teritorijalna struktura političke stranke) iskazala sve organizacione dijelove stranke, čime je prekršila odredbe člana 10. Pravilnika.

Stranka je na obrascu 1-1 navela samo organizacioni dio u Gradačcu, iako je prema Rješenju Općinskog suda u Sarajevu, broj: 065-0-F1-11-000009 od 26.04.2012. godine, sjedište političke stranke u Sarajevu. Takođe, stranka je ostvarila prihod iz budžeta Općine Kalesija, što ukazuje da da ima organizacioni dio u ovoj općini.

- (4) Uvidom u obrazac 3 (Izvori finansiranja) godišnjeg finansijskog izvještaja utvrđeno je da je stranka ostvarila prihode iz budžeta u iznosu od 976,00 KM, što odgovara podacima iz izvoda sa transakcionog računa broj: 1321002008639730 otvorenog kod NLB banke. Stranka je, međutim, prihod iz budžeta Općine Kalesija u iznosu od 976,00 KM umjesto u obrascu 3-f (prihodi iz budžeta) iskazala u obrascu 3-b (prilozi pravnih osoba), čime je prekršila odredbe čl. 15. i 19. Pravilnika.

- (5) Na obrascu 4 (rashodi političke stranke) stranka je režijsko-administrativne i ostale troškove iskazala u iznosu od 347,70 KM, troškove propagande u iznosu od 44,40 KM i ukupne rashode u iznosu od 392,00 KM.

Kontrolom obrazaca rashoda, utvrđeno je da je stranka troškove propagande u iznosu od 44,40 KM iskazala u obrascu 4.1 (režijsko-administrativni i ostali troškovi), čime je prekršila odredbe čl. 22. i 23. Pravilnika.

² („Službeni glasnik BiH“ broj: 95/12).

Stranka je troškove propagande trebala iskazati na obrascu 4.2 (troškovi propagande) godišnjeg finansijskog izvještaja.

- (6) Snaga ekonomskog pokreta u Bosni i Hercegovini nije na obrascu 5 (obaveze političke stranke) finansijskog izvještaja iskazala obaveze, a koje su prema podacima iz Bruto bilansa i Bilansa stanja na dan 31.12.2015. godine iznosile 2.462,11 KM, čime je prekršila odredbe člana 24. Pravilnika.

5.2 PREPORUKE

Preporučuje se političkoj stranci Snaga ekonomskog pokreta u Bosni i Hercegovini da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da uspostavi evidencije o svim priložima, bez obzira na koji način ih ostvaruje,*
- *da vodi poslovne knjige u skladu sa računovodstvenim propisima i da uspostavi potpune evidencije o svojim prihodima, rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Snaga ekonomskog pokreta u Bosni i Hercegovini nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2015. godinu.

Šef Odsjeka za revizijske poslove

Sanja Tošović

Revizor

Nevenko Andan

Šef Službe za reviziju

Mr. sc. Hasida Gušić